

DOMINGO 3 DO ADVENTO Ciclo C

PRIMEIRA Sof 3, 14-18a
O Señor alegrouse por ti na louvanza

PROCLAMACIÓN DA PALABRA RECOLLIDA NA PROFECÍA DE SOFONÍAS

Exulta, filla de Sión; berra lediciosa, Israel,
alégrate e relouca con todo o corazón, filla de Xerusalén.
O Señor retirou o teu castigo, botou para atrás os teus inimigos.
O Señor será o rei de Israel no medio de ti, non volverás a ter medo da desgraza.
No día aquel diráselle a Xerusalén:
Non teñas medo, Sión, que as túas mans non afrouxen.
O Señor, o teu Deus, está no medio de ti, é un heroe que salva.
El salta de alegría por ti, embrúxate co seu amor,
dá brincos de alegría por ti.
Eu aparteite da asemblea festiva; retirei de ti o seu ¡Ai!

SAL. RESP. Is 12, 2-3. 4bcd. 5-6
R/ (6): *Exulta e canta louvanzas*
porque no medio de ti está magnífico o santo de Israel

Velaí, Deus é a miña salvación, terei confianza, e non medo.
El é a miña forza, por isto louvareino.
Si, o Señor é a miña salvación".
Sacaredes auga con gozo das fontes de salvación.

Dade a coñecer entre os pobos os seus feitos,
facédelle a lembranza de que é grande o seu Nome.

Cantádelle ao Señor. De verdade fixo cousas magníficas,
que serán coñecidas en toda a terra.
Clamade con gozo e ledicia, habitantes de Sión:
Que grande é no medio de ti o Santo de Israel".

SEGUNDA Flp 4, 4-7
O Señor está cerca

PROCLAMACIÓN DA PALABRA RECOLLIDA NA CARTA DE SAN PAULO APÓSTOLO ÓS FILIPENSES

Irmáns e irmás:

Estate sempre alegres no Señor. Repítovolo: estade alegres. Que todo o mundo vexa o bos que sodes. O Señor está a chegar. Non desacouguedes por cousa ningunha. En todo presentádelle a Deus as vosas peticións con oracións de súplica e acción de grazas. E a paz de Deus, que supera toda intelixencia, custodiará os vosos corazóns e os vosos pensamentos en Cristo Xesús.

ALELUIA Coma no n. 7

DOMINGO 3 DO ADVENTO Ciclo C

EVANXEO Lc 3, 10-18
¿E nós qué faremos?

PROCLAMACIÓN DO SANTO EVANXEO SEGUNDO LUCAS

A xente preguntáballes a xesús:

- E logo, que temos que facer?

El respondíalles:

- O que teña dúas túnicas, que as reparta con quen non teña ningunha; e que faga o mesmo o que teña que comer.

Foron tamén uns recadadores a se bautizar, e preguntáronlle:

- Mestre, que temos que facer?

El contestoulles:

- Non esixades nada máis do que vos está mandado.

Tamén uns soldados lle preguntaron:

- E nós, que temos que facer?

El contestoulles:

- Non asoballedes nin saqueedes a ninguén, e contentádevos coas vosas pagas.

Como o pobo estaba esperando polo Mesías, empezaba a pensar se acaso non o sería Xoán; pero el declarou diante de todos:

- Eu bautízovos con auga, pero está a chegar o que é máis forte ca min, e a quen eu non son digno de lle desatar os amallós do seu calzado. El havos bautizar con Espírito Santo e con lume. Porque trae a forcada na man, para limpar a súa eira e recoller na hucha o seu trigo; pero a palla ha de a queimar no lume que nunca apaga.

Con esta e outras moitas exhortacións anunciáballes a Boa Nova á xente.